

JKP "Vodovod" d.o.o. Cazin
Broj: 5-1-1-11-03/21
Cazin, 21.10.2021. godine

Na osnovu članova 25. i 70. Zakona o javnim nabavkama Bosne i Hercegovine (Službeni glasnik BiH, broj 39/14), člana 21. Pravilnika o javnim nabavkama JKP Vodovod doo Cazin, te Preporuke Komisije za javne nabavke, rješavajući o izboru najpovoljnijeg ponuđača za nabavku roba, direktor JKP "Vodovod" d.o.o. Cazin, donosi

O D L U K U o izboru najpovoljnijeg ponuđača

Član 1.

Prihvata se Preporuka Komisije za javne nabavke za nabavku robe: **Tehnološko i hidromašinsko opremanje filterske stanice Ljubijankići, faza II**, za sklapanje ugovora, nakon provedenog otvorenog postupka i rezultata e-aukcije, sa najpovoljnijim ponuđačem **NOBILIS doo Sarajevo**.

Ugovor o nabavci i ugradnji robe dodjeljuje se najpovoljnijem ponuđaču, za ponuđenu cijenu **497.300,00 KM**, bez PDVa.

Član 2.

Odbija se ponuda ponuđača/konzorcija kojeg predstavljaju Tehnopedrol doo Tuzla, kao lider i DIT doo Tuzla kao član, broj ponude br.02-11-25-71/21 od 20.09.2021. godine jer nisu ispunjeni zahtjevi iz tenderske dokumentacije, u skladu sa članom 68. stav 1 i stav 4 i) Zakona o javnim nabavkama.

Član 3.

Izabrani ponuđač je uz ponudu dostavio originale i ovjerene kopije dokumentacije iz člana 45. Zakona o javnim nabavkama, te se oslobađa obaveze naknadnog dostavljanja dokaza.

Član 4.

Za praćenje realizacije ovog ugovora zadužuje se Šef tehničke pripreme.

Član 5.

Ova Odluka objavit će se na web-stranici ugovornog organa www.vodovodcazin.com, uz istovremeno upućivanje ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 5-1-1-1-01/20 od 24.04.2020. godine. Riječ je o nabavci robe putem otvorenog postupka. Procijenjena vrijednost nabavke bez PDVa je 75.000,00 KM.

Obavještenje o nabavci broj: 1169-1-1-215-3-30/21 objavljeno je na Portalu javne nabavke dana 06.08.2021. godine i u Službenom glasniku BiH, broj: 52/21.

Tendersku dokumentaciju sa izmjenama i dopunama je preuzelo 15 ponuđača, prema Izvještaju o preuzimanju TD od 21.09.2021. godine.

Za dodjelu ugovora u ovom postupku prijavila su se tri ponuđača, a dana 21.09.2021. godine provedeno je javno otvaranje ponuda.

Komisija je pri evaluaciji ponuda utvrdila da su od tri prijavljena ponuđača, dva dostavila potpune i formalno-pravno ispravne ponude, i to:

1. Regeneracija doo Velika Kladuša, cijena ponude bez PDVa: 497.798,88 KM, kao lider grupe ponuđača, koju još čini Hidrosanitas BH doo Trebinje,
2. Nobilis doo Sarajevo, cijena ponude bez PDVa: 499.491,78 KM.

Konzorcij kojeg predstavlja Tehnopetrol doo Tuzla nije ispunio uslove u pogledu tehničke i profesionalne sposobnosti ponuđača, shodno članu 48. i članu 49. ZJN, jer nije dostavio dokaze o iskustvu i stručnoj spremi osoba koje će biti angažirane na realizaciji ugovora, kako je zahtijevano tačkom 11.6. b) Tenderske dokumentacije, niti je dostavio prevode tehničke dokumentacije (uputstva o korištenju, ateste, opise), kako je zahtijevano tačkom 11.6.c) a u vezi sa tačkom 19. Tenderske dokumentacije.

Slijedom navedenog, Komisija je predložila Ugovornom organu da odbaci ponudu kao nepotpunu, u skladu sa članom 68. stav 1. i stav 4. i) Zakona i članom 58. stav 1. tačka d) Zakona o javnim nabavkama.

Ovaj postupak nabavke predviđao je provođenje e-aukcije, te imajući u vidu da je Ugovorni organ zaprimio dvije prihvatljive ponude, e -aukcija je zakazana za dan 18.10.2021. godine, sa početkom u 12:00 i trajanjem od 10:00 minuta.

Na osnovu Izvještaja o toku i završetku e-aukcije, Komisija je utvrdila Rang listu najuspješnih ponuđača, počevši od najpovoljnije kako slijedi:

R/br	Naziv ponuđača	ID broj	Konačna cijena u KM, bez PDVa	Umanjenje cijene	Rang
1.	NOBILIS doo	4200210710004	497.300,00	0,44%	1
2.	Regeneracija doo	4263443950007	497.798,88	0 %	2

U postupku ocjene provedenog postupka, Uprava preduzeća nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Zbog naprijed navedenog, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od prijema ove Odluke. Žalba se izjavljuje Uredu za razmatranje žalbi, putem ugovornog organa, u pismenoj formi, u dovoljnom broju primjeraka, a koji ne može biti manji od tri.

Žalilac koji je propustio izjaviti žalbu, prema odredbama člana 101. Zakona o javnim nabavkama, gubi pravo tražiti ispitivanje zakonitosti po istom osnovu, u kasnijoj fazi postupka

Prilozi:

- Zapisnik Komisije od 05.10.2021. godine sa analitičkim prikazom ponuda
- Izvještaj o toku i završetku e-aukcije
- Zapisnik i Preporuka Komisije od 21.10.2021. godine

Dostaviti:

- Nobilis doo
- Regeneracija doo
- Tehnopetrol doo
- a/a



Za Ugovorni organ
JKP Vodovod doo Cazin

Ibrahim Mujakić, direktor